

四庫全書

集部

欽定四庫全書

石倉歷代詩選卷四百三十一

明 曹學佺 編

明詩次集六十五

夏鍬

遇興七首

庭栢散疎雨
廡蒿弄柔姿
美人隔窓戶
遺我長相思
相思空悵望
白日下青嶂
妙曲雖不揚
無言怨牙曠

卧琴雙膝上含情共不發美人隔秋山不彈嗟遠別秋
山一萬重豈無雲路通應攜金徽去負重難相從

魏人得寶玉觀者入五都置之夜廡下光掩隋侯珠舉
家恠且怖棄之遠市墟若無隣人識至寶空長吁

西京有高士出處何其賢東門二大夫圖史共流傳歸
鳳逝超忽清風滿寥天舉首望不見駐馬空淒然至今
雙白壁輝光照人間如何東門路不見有生還

遙遙隴西鳥辭家向中州金籠觀光彩未叩聲先酬似

言生處好嘗懷琪樹頭何知白日暮
敝此綠貂裘能言終為累客死葬青丘
爾身亦可求嗟嗟鸚鵡洲

歲暮何所歡但有階前月取琴月下彈
十指弄冰雪初歌商嶺芝再哦西山蕨
若無此曲清何由對霜月白日忽不見
水石倦幽尋歸來吾何暮觀化顏此心
夏綠時已久清霜妬繁陰物理疵太盛
神怒一何深

秋日閒居

涼風起西北出郭吹衣裳一水曉光澹
羣山秋靄蒼送

客遠行邁於此集華觴悠悠獨來歸山水意空長

登冶城

天清登冶城曠望開襟抱涼風送鴈遲缺月墮江早
回首荒墩長歌起煙草日斜驅馬歸彷彿西川道

昭君出塞

黃雲塞草路三萬紫袖銀鞍急如箭應有前時鴻鴈飛
右衿不似宮中見誰令香泪濕鵲絃至今風日含淒
淒雖然豈少宮人見孰與青塚傳千年

久別離

美人別來良悠悠
緘書不寄留床頭
桃花幾回釀紅泥
紫燕雙銜入翠樓
傾情寫意心相結
綠酒金樽對芳節
對芳節恐遲暮
涼風生鳴雁度別鄉
千萬里離心竟前路

前有樽酒行

玉壺乳酒一色同
素手提來笑春風
笑春風聽我歌流
光火急將柰何
默坐青軒散桃李
不如抱殘發陽和
乘

健出遊遨開懷恣歡詭前有一樽酒何用銀球繫床脚
熊侯請遊南溪暮歸

花院彈琴罷中流趣羽觴仙舟同載郭魚艇異如棠沙
雨斑斑細陂雲冉冉涼定知歸路晚棹影亂斜陽

東關歸路

七舍東關路還家卽勝遊水清如擁鏡山好只移舟江
唱曹娥晚嶺謠天姥秋途窮鄉語入台越此分多

陪祀諸陵晚發昌平二首

倦馬方辭樵鳴鷄已在田松風藏五寢雲日露全燕赤
羽猶乘嶂黃茅未款邊瑤壇將事日玄朔亦祥煙
蟠龍流水地臣僕喜追奔神嶺森如畫齋廬遠似村輿
圖撫幽朔方劍憶軒轅誰識茂陵樹猶存未報恩

祭畢還宿昌平

燭影瑤齋寂人聲出翠微風吹陵柏轉月照祀臣歸山
海從龍蟄雲沙信馬飛鷄鳴尋舊館假寐待朝暉

感春

五夜雕輪集千門火樹春聽兒歌麗曲不自踏香塵月
傍青樓久花開紫陌新犬戎生薊北羞作太平人

遊金山寺還舟中流作

縱是裴公寺能忘魏子心帆開吳日落鐘度楚雲深半
餉分南北中流弔古今江山雖好在無奈二毛侵

和同寅鷄鳴寺韻

二里城西路雙林擁貝宮鳥啼禪榻靜花散佛衣紅山
墮明湖裏人遊碧落中五雲飛北極江盡望無窮

巾山二首

絕頂平如掌塵埃一笑空三江輸月色雙塔管松風綠
酒心無礙青山道不窮幾年饒足跡留醉與人同
雙峰遙濕處少頃雨聲稠野鼠行詩卷山禽掠酒籌海
天先得暮江月只宜秋一笛誰家發隨風到上頭

春日紀遊

笑逐隣翁乞午觴酒闌隨意散林塘雙禽自睡青苔巷
一杖驚飛翠竹塙雨過乍如潘岳圃花開仍似杜陵莊

春風旁舍慳行樂何用天涯憶故鄉

前川

風輕日白午天幽郭外溪邊卽勝遊
花萼乍明來小院柳條初散近高樓
老翁稚子逢春語冶客羈人到晚留
共說年年行樂地朝廷有道自消憂

白齋同在杜宅看梅得酒歸戲簡野泉期共再
賞

杜老梅花數日開主人相引竹邊來
風清乍接幽香坐

雲破徐看霽色回
日出門闌明几杖
雪殘籬井濕莓苔
煙花早付潘公子
更起從君問酒杯

九日陪張南川飲芹齋所用小杜登齊山韻

盆菊移來自竹扉
滿堂涼露晚香微
疎枝九日開將遍
短髮西風咏不歸
濁酒只輸陶靖節
清詩還憶謝玄暉
品題此夕風花手
誰與南州問綠衣

次貞齋永福寺韻

雲深渾不記東西
往往垂蘿手欲提
一面好山煙壠淡

幾家修竹土墻低林間過馬披空翠寺裏留人飯白蘼
七度筍輿奇石下剛攜繡管為僧題

雨後湖上

肩輿好日相將去草色城陰潦未乾九院雨聲收曉棟
六朝人影散晴瀾綵船只在人間度朱閣還來鏡裏看
疑是水仙歌舞地練裙羅袂淡粧殘

和顧東橋耍遊戲龍院暮歸韻

江風吹節及新涼朱草青林引路長今日府君情散朗

舊時山客鬢浪蒼淹留羅戶頻香篆歛唾霞門幾繡裳
燈火相將歸事晚睡兒驚起繞魚梁

和鄭方伯岩山天台道中

仄路危橋草樹昏山紆水緩乍清魂行邊風土記巖邑
停處茶水來近村謝屐幾曾遺勝局騫槎兼得問靈源
龍文嶽節分明在病骨無緣一扣門

官舍對菊

雨撥黃花艷晴軒添几幽但看無意採不是故園秋

柴門

二里溪橋路人家水影中柴門經日掩紅葉滿籬風

次野泉韻送人

人擁千峰去秋隨一騎清雲泉寫不盡應共別離情

王明君讀王半山明妃曲因作

情愛戎荒有氍毹枉自深眼眉邊月滿夜夜漢宮心

城門歌

曉月催歡起春波映酒深彩船長遠去草色自城陰

叢祠梅

亂石托孤根，羣槎避清芬。空山人不到，花照玉晨君。

黃岩九峰

臥榻驚秋晚，傾杯苦夜分。十年三度意，笑對九峰雲。

送止齋俞公奏績北上

秋來幾度送遊人，黃葉丹楓把酒頻。不似今朝分手處，斷腸回首萬重雲。

山中禱興

何處風光欲斷魂
水邊雲裏有芳園
馬蹄不識山家路
相趁溪聲到小門

鷄鳴寺雨中晚眺

蔣帝山高幕府空
鷄籠頂上望西宮
傍人莫問六朝事
只在滿城烟雨

廣陵

九曲池亭龍氣消
誰家水調共蘭橈
眼前亡國無多恨
江水東邊是六朝

秦旭

字景賜無錫人以子貴封武昌知府錫有碧山吟社實其倡始云

仲秋八日與繼芳遊天全亭歸途

峩峩九龍山迢迢五陵岸扁舟弄雲水山影波底亂遙
瞻松桂林已覺風景換長吟斜川詩驚鷗忽飛散

傷春詞東繼芳

去年已賦傷春曲曾與潘郎歌斷續細雨梨花爛熳愁
東風楊柳淒迷綠今年又賦傷春詩燒燈華屋雨絲絲
天公歲歲能作惡偏在春光最好時

其二

東風陣陣花狼籍老夫鉤簾空嘆惜往來扶病欲出門
門外春泥深一尺徐家園裏葛家樓回首繁華逐水流
安得紅顏生羽翼玉笙吹上崑崙丘

辛丑暮春苦雨東立夫

暮春雨多天尚寒苔花滿地泥不乾牡丹淹爛不堪折
朱門罷送黃金盤繡簾匝匝低垂地玉笙聲斷爐煙細
美人何處倚欄干楚水吳山路迢遞

其二

鶉鴝雙雙啼屋角
細雨斑斑晴復作
碧水蒼苔野外昏
挑燈坐聽簷花落
輕寒側側透重扉
翻把羅衣換袂衣
出門可柰春泥滑
辜負西山筍蕨肥

春江詞

春江煙鎖垂楊綠
春江雨濕桃花片
江頭女兒朝浣紗
水中照見芙蓉面
畫船雙槳聲啞啞
驚得鴛鴦起暖沙
餘情願託春波去
遲遲流向花邊住

寄華祖芳隱君

簾幙捲斜熏沈香手自焚高風振頽俗幽思發清文鶴
外省湖草鷗邊步野雲年來厭形役自愧不如君

次韻湘南懷古

出門長嘯氣橫秋不似鍾儀作楚囚三月沅湘江上路
十年雲夢澤南州紫簫吹徹天連水黃鶴呼來月滿樓
千載孤踪何處吊岍花汀草斷磯頭

和陸懋成賞花韻

粉容凝露怯春寒彷彿溫泉浴罷看國色尚含當日寵
人情不減去年歡休嗟白髮羞明鏡最喜紅雲壓畫欄
若得芳心同竹石免教詞客怨凋殘

與繼芳重過葑溪草堂有感

數枝沙柳自年年常憶看花到水邊才薄濫封司馬署
家貧惟剩葑溪田青山白屋遺先業萬竹孤梅慕昔賢
喜得潘郎詞賦好扁舟同宿五湖煙

次張元之過張秋韻

漢朝河決自元封未抵張秋一倍功百辟祀神沈白馬
萬夫持畚截長虹風雲久護坤靈黑草木遙連海氣紅
詞客經行思無限坐看江漢自流東

雨窓簡葛元兆

憶昔相期看木香幾回翹首立河梁人前冷暖非前日
花事闌珊到末場詩酒謾攻詞客病歲年空惜老人長
東樓應是支頤坐目斷飛雲過短牆

贈虞文淵

闔閭城下覲芝符文采風流似舊時
三徑秋光數枝菊
一年春興百篇詩
青山隱趣閒邊得
白社交情夢裏知
溪上獨來還獨返
孤雲長與意俱遲

雨窓感懷

故人曾約看花遊
及到花時亦繆悠
鴻雁影沈江上雨
洞簫聲斷水邊樓
風光自是難畱物
身世真如不繫舟
宦轍東西念兒子
天涯回首不勝愁

輓祖芳

夕陽溪上路迢迢鶴骨昂藏過野橋往昔形骸都不忘
卽今騷賦已難招樽空北海懷賢切雪滿南林赴莽遙
畱得舊時清氣在小山花竹雨瀟瀟

贈濮惟清

洛社橋西第一家春風喬木護慈鴉君恩未報還嘗膽
公事無窮亦看花詩句詠歌燒夜燭石泉評品莫新茶
杜紅蘅碧蘭陵路有約相尋踏軟沙

擬杜少陵歸成都韻

身依南劍憶東都長把行藏問老符
萬里橋邊尋白屋
百花潭上步青蘊雲山終歲停飛驛
南國多時罷權酤
聞說多才嚴僕射已消金甲免丁夫

其二

錦江流水接花溪翠竹紅蕖遠近迷
家世總忘天尺五
生涯還憶滾東西乘輿迢遞看鷄舌
髀骨消磨厭馬蹄
明日報書通幙府應勞小隊踏春泥

其三

花作圖屏石作欄滿天秋籟挾驚湍日高樹底攤書帙
風靜沙頭把釣竿閱世尚留雙眼白報君常抱一心丹
江山信美猶吾土狂客休歌蜀道難

送人還京

青楓江上葉蕭蕭汴水淮雲去路遙宮燭漸低鄉夢斷
家山將近客愁消霜寒鐵甕秋聞柝月落揚州夜聽潮
厚祿故人如我問白頭甘作惠山樵

和舜明自壽之作

胸次原無一物餘
圖書左右未嘗疎
山中高興新蘭佩
海內清風舊草廬
隱操不違唐處士
故家猶說宋尚書
他年更祝期頤壽
未許文王載後車

己酉端午後二日病足書情

長夏無端病在趺
天公有意困狂奴
流離自分填溝壑
躑躅何堪走道途
秋水鱸魚思笠澤
瓊花楊柳醉江都
少年樂事真如夢
坐對葵榴淚眼枯

新春試筆

八十流年鳥翼過放懷誰敢怨曦娥益棺正是尋常事
鼓缶猶能慷慨歌老眼又看新歷日青袍還領舊陽和
呼兒早辦尋春屐擬折梅花插皂羅

不寐

卧不能安坐到明起來童子強扶行薰風紫笋都催老
細雨黃梅未放晴語燕似傳今日事呖蛙還作去年聲
餘齡斷送知何物不問書生問麴生

冬夜與惟清小酌用籠字韻

山蔬挑得滿筠籠
草草杯盤放筯空
枉顧有情憐鮑子
躬耕無計學龐公
雨滋竹色浮新翠
風颭燈花落細紅
觴咏不知過夜半
滿堦人影月明中

送友人致政還鄉

虛堂風露夜泠泠
閒咏鳬鷺樂在溼
賞興不忘秋水寺
宦情偏厭綠莎廳
薇花分影紅連座
麴米浮香綠滿瓶
更擬滄洲問消息
且教黃鶴養脩翎

過玉溪山墅

衡門水木恣清華路轉西岩隱幾家五月涼陰千畝竹
六時清供一甌茶行逢流水聞僧梵吟到斜陽落磻花
自信俗緣消已盡不勞千劫謾蒸沙

水雲亭小酌

吏隱南塘小結亭此心何愧北山靈壺觴自可消孤悶
魚鳥還能慰獨醒風景只如桃葉渡秋光欲動蓼花汀
簷前昨夜微風起吹落蘭蓀翡翠翎

懷聽玉山庄次梅菴韻

衰年厭向市廛居欲借山中半畝餘
王翰自憐文有道馮驩誰嘆食無魚
漫將踪跡隨麋鹿豈有文章到石渠
願得兩家同杵臼春風春雨共耕鋤

舟中紀興

東風兩鬢雪粼粼一枕蘭舟酒半酣
不似邵菴虞學士杏花春雨憶江南


題梅月圖

孤山山上月明多長憶西湖瑪瑙坡
安得扁舟吹短笛

梅花香裏一經過

題東籬秋色送過九苞之京

清華簪組觸塵埃
歲歲觀光上鳳臺
莫戀青山如洛下
故園黃菊待君開



石倉歷代詩選卷四百三十一

欽定四庫全書

集部

石倉歷代詩選卷四百三十五

詳校官編修臣謝振定

侍讀臣孫球覆勘

總校官進士臣朱 鈐

校對官中書臣汪學金

謄錄監生臣黃廷綬

欽定四庫全書

石倉歷代詩選卷四百三十二

明 曹學佺 編

明詩次集六十六

蔣冕

送焦亞卿奉使宗藩兼便道過家焚黃

肅肅奉皇命駕言徃藩方朱衣炫朝曦玉節明秋霜從
容使事畢晝錦過故鄉貤封及二代丘原賁龍章林巒

改顏色草木增輝光父老攜兒童爭觀填道旁問公何
以然渥恩異尋常公本清廟器譽望傾班行明時興邦
禮淳風還虞唐聖心夙簡在寵數且未央四牡蚤還朝
鈞衡待巖廊

秋夜長

秋空垂玉露風拂簷前樹相思寒夜長
胍胍多愁緒含情下錦機拭淚沾羅衣
舊歡如夢寐私向夜深歸

清江捕魚圖詩

漁翁獨愛清江水孤棹橫斜煙雨裏一聲欸乃隔江聞
舉網得魚滿筐美老妻報到茅柴香烹魚芻酒邀客嘗
酒酣睡熟喚不醒滿江風露天茫茫畫工曾向江頭見
幾度臨流深嘆羨歸來拈筆寫半幅畫耶景耶皆莫辨
客從何處得此圖壁間彷彿成江湖應知濠濮不在遠
莊生乃是天之徒

四皓對奕圖

商山山上多紫芝長年採擷療我饑白雲深處且高卧

醒來還對石上碁
戔戔束帛來何所
笑向長安揖高祖
儲皇不易漢
鼎安竹帛芳名照千古
拂衣歸去舊巖扃
飛鴻天外仍冥冥
松桂清陰今在否
世人誰解入丹青

送項德懋承長洲專管水利

故人別我長洲去
離觴已盡仍延佇
欲別不別難為情
歧路蕭蕭班馬鳴
矮屋長材君莫怨
雖處囊中未隨見
一官到處可哦松
何況長洲天下雄
君是深翁門下士
經術自優文史事
不見蘇湖治事齋
兵農元與水利偕

單鐔奇謀知滿腹安得東坡無薦牘何時推轂早重來
與君還對燕山杯

擊梧桐樹

梧桐春暖新枝長君王擊樹歡相賞海棠睡起帶餘醒
舉杯共醉沈香亭誰知禍起衾裯側錦裯小兒是強敵
漁陽羯鼓響如雷一朝樂地成蒿萊曲江已去寧復得
始信胡雛能覆國可憐羅襪埋香塵烏啼花落增酸辛
乃知世事不長好歡笑能令作煩惱翠華萬里重歸來

馬嵬山下空悲哀

西溪漁樂

溪水清可愛溪魚肥可煮縱教煙雨濕蓑衣不得溪魚
不歸去得魚換酒亦不惡世間誰似漁家樂收綸舉盞
坐溪頭細數波間幾點鷗漫道溪鷗閒似我我閒又樂
閒較可

南山樵隱

我從城市來入山事樵採十年城市幾滄桑惟有青山

長不改山頭白石堪礪斧斧聲丁丁朝又暮今古功名
幾下新碁方一着柯成塵我斫青山誓終老富貴浮雲
何足道

驅馬黃金臺

客從江南來驅馬黃金臺傷心臺下青青草一夜西風
變枯槁壯士悲歌易水傍防身有劍飛秋霜此心誓掃
豺狼跡草間狐兔誰能覓

薄暮

薄暮長安道風塵滿素衣尋朋因久出坐話偶遲歸紅
日銜山落烏鴉繞樹飛舉頭雲漢濶星月已揚輝

隱人山居

幽人謝塵俗結屋大江濶流水閒中意浮雲物外鳥
啼山閣靜花積草堂深寂寂風清夜時聞琴瑟音

又客

又客懷鄉土登樓望遠空鴈歸知歲暮花發喜春融故
國青天外皇都紫氣中笑渠幽憤者何事哭途窮

題畫

浩浩通津水茫茫遠接天
煙光牛渚外秋色鴈行邊
孤棹橫江渡羣山與岸連
有人沙觜立應是待來船

送潘以正憲副赴陝西固原兵備二首

攬轡詢遺迹山河百二雄
金湯連徼外兵甲滿胸中
九譯羶裘至諸蕃職貢通
不須勤魏絳虎豹納無終

河隴諸都護壺漿候馬前
羶車齊款塞玉節正臨邊
牙對毘旂月驄嘶苜蓿煙
匈奴斷右臂還憶漢張騫

春日謾書

故國別來久懷歸未得歸身長隨夢到事每與心違道
路猶荆棘山林自蘼薇湘江春雨裏花木又芳菲

客至兄長梅軒翁所口占

偶爾不速客相將次第來呼童陳小酌隨意舉深杯風
色雖微冷梅花却盛開我身方卧病想像亦悠哉

閒步小園次前韻

屋後園亭僻乘閒輒一臨看山聊當畫種樹久成陰高

下蔬千本稀疎竹半林
盆池有拳石蝸蝨蘚還侵

上林春色

春從天上至偏向禁林多
綠遍瀛洲草紅連太液波
香風藹靈囿佳氣繞靈坡
微雨清馳道應期鳳輦過

雨後郊行

舍北種畬田籬東響暗泉
春光千樹柳野色一犁煙
舊事隨流水閒愁托杜鵑
吾生老農圃遇酒即陶然

和李翰林題劉吏部溪山圖詩韻

金碧溪山翠作林茅齋瀟灑百年心庭前鳴鶴趨迎客
水面遊魚出聽琴白石清泉同谷口茂林脩竹似山陰
披圖彷彿如曾見頗覺良工用意深

題黃隱士別業

疎竹編門草覆牆數椽茅屋海中央雲棲簷下軒窗潤
風過花間枕簟香嵐氣入簾晴亦暝潮聲當戶暑偏涼
誰言身外渾無事詩思撩人也覺忙

元夕應制三首

百尺鰲峰傍綵棚芙蓉烟暖柳風輕霰迎淑氣全消凍
月避燈花半減明車馬滿街無夜禁笙歌隨處起春聲
太平有象真堪畫只恐丹青畫不成

四海春風共一家韶光先到上林花星橋曲曲通銀漢
火樹叢叢結彩霞佳氣煖浮雙鳳闕瑞煙晴護六龍車
繁華不作楊州夢一曲昇平月未斜

聖主南郊大祀還宮中今夕壽慈顏金蓮焰吐雙龍闕
火樹光騰萬歲山馥馥異香飄仗外遲遲清漏出花間

恩波何幸沾臣下特許諸司半月閒

送同年萬世和歸省

春風同日宴瓊林君獨榮歸愜壯心
畫舫煙波飛六鷁錦囊珠玉重千金
天閑忍失空羣騎御苑愁分喚友禽
嶺表班行何落落相留無計但沈吟

送侍講劉先生使安南

聖主龍飛第一春遠頒正朔命儒臣
雙函鈿札翔鸞鵠萬里朱鷺識鳳麟
玉節曉分蛟室霧寶幢晴拂象厓塵

懸知奎宿臨南土夜夜清光拱北辰

江行

重疊青山虎兕蹲望窮沙際是孤村舟中過午風猶熱
江上微陰日已昏遠浦漸看鴻影沒中流厭聽櫓聲喧
詩成獨倚篷窗詠無數嵐光落酒尊

舟遊湘江雜詠

客舟清晚遡湘川滿目山光鴈影邊碧草寒波雙鷺浴
白蘋芳渚一鷗眠磯頭石古迷荒蘚浦口帆歸帶暝煙

明日衡陽江上路新詩題滿彩雲箋

一萸齋二首

此身天地一虛舟
去住無心着處浮
歐舫軒窗聊寄傲
米家書畫且藏收
半簷竹雪滄洲趣
四壁松濤島嶼秋
有力誰能移夜半
人間汗漫許同遊

此生飄泊等萍浮
一室還成不繫舟
風雨漫教蘿作纜
煙波無際月垂鉤
篷窓夜靜漁謳杳
蘆被春深鶴夢幽
安得因風致雙鯉
問渠終忘濟川不

送無極縣教諭甘秉節赴任

秉節蒼梧人

家住蒼梧宦入燕
迢迢親舍嶺雲邊
道行絳帳青氍外
夢繞斑衣白髮前
遠道雙魚春水隔
寒窗微蠹夜燈懸
不知壇杏花閒月
幾許清吟付彩箋

衡府范伴讀赴任

莫道江都老仲舒
清時聊曳長裾
漢庭獨羨東平樂
魯國仍傳伏勝書
千里夢應歸白下
幾篇詩欲過黃初
新城桃李知多少
門外時時問起居

次侍讀白先生郊齋詩韻

南郊和氣破春寒
誓聽彤庭曉漏殘
百辟在公三日戒
六符呈瑞萬人看
杓衡徹夜輝黃幄
牲璧中宵奠紫壇
豫想燔柴嚴對越
遙空香霧散椒蘭

送克溫尊甫先生

朝扣天關暮即還
冥鴻深入亂雲間
解纓待濯滄浪水
躡履先尋陽羨山
世事無關何足累
人生有子始能閒
道旁莫羨金章貴
萊綵猶堪奉壽顏

遊虎丘

豪華自古說蘇州近郭嵒巒此最幽
何事玉帛仍故物當時金虎但荒丘
千人石在聽經杳雙劍池空草色秋
倚遍危欄更回首晚鴉無數夕枝頭

送張祐司訓較藝還當塗

經談孔壁士如林翹首龍門冀賞音
簷內命題秋院靜燈前批卷夜堂深
賦驚五色寧迷眼筆想三長獨苦心
淡墨榜開輿論愜高名從此重南金

初叨賜鮐魚志感

東南嘉味說江鮐當暑分鮮下赤墀貢入爭傳喧漕路
筐開猶自帶冰澌古人多骨空留恨今日新恩合賦詩
一飯可能忘厚報深慚犬馬力先疲

聽琴再疊前韻

一聽西川擁鼻吟悠然古意未銷沈空山落木三秋景
老鶴孤鴻萬里心莊叟漫誇漁父聖伏波終怯武陵深
越棠杳杳倚蘭遠空谷能無感足音

陪祀陵園畢夜歸昌平小憇簡悔軒少宗伯
寢園春祀禮初成乘月歸來信馬行亂石寒流纔數里
荒城殘漏已三更片時僧舍還鄉夢滿路山禽喚客聲
風景有誰能品藻謫仙詩句玉壺清

次熊峰先生韻題甯菴先生予莊

壠上呼童剪草萊行行無數好山來夕陽牛背頻聞笛
春水鷗邊忽見梅蔬圃不緣農事廢柴門長為野人開
淡中滋味真難數咬得松心與芥臺

次宮保戒軒靳公詩韻寄壽少博守溪王公

襟度淵然隘九州
濟川功就等虛舟
名從晉國三槐著
身共睢陽五老遊
綠野林巒千古意
平泉松竹四時秋
不知圖像凌煙者
出處輸公幾百籌

枕上

夢裏鷄聲到枕邊
披衣起坐興茫然
流年未老長多病
處世無能祇自憐
旅況幾宵燕市酒
歸心千里楚江船
黃扉三載成何事
孤負日高花影眠

湘懷

欲向江頭買釣簑
短篷輕櫂泝煙波
未廢楚澤騷人賦
且聽滄浪孺子歌
杜若雨晴秋色老
芙蓉霜冷月明多
湘靈倘肯憐鄉曲
應傍西風鼓瑟過

清源舟中漫書

寒鴉日日晚投林
我獨懷歸未遂心
身寄衛河舟上榻
夢縈湘水岸邊岑
年華荏苒雙蓬鬢
病體支離一布衾
却喜故人知我意
夜窗聯話到更深

送陳用脩之辰州府通判

暮年親友寂關情一舉離觴百感生
池草幾番康樂夢雲山何處酉陽城
江湖去鷁三秋景霄漢飛鵬萬里程
西望桂林纔咫尺春風萊綵好相迎

再次韻送用脩

清朝父子羨韋平寵眷同時荷聖情
奉幣漢祠方攝祭揚鞭蜀道豈難行
瑞占象緯星隨節詩紀關山日有程
回首五雲頻極目每因子役念蒼生

大司馬幸菴彭公弟濟永省兄西還次韻

京華席煖便還鄉，不論岍岐道路長。
郊藪鳳麟寧易得，朝家羅網正高張。
池塘在處頻生夢，風雨今宵且對床。
聞道年來富吟詠，幾多詩卷墨花香。

京城見梅

冰雪叢中早立身，清標原不染纖塵。
宜寒宜煖雖因地，開早開遲總是春。
庾嶺清香飄月下，孤山疎影照湖濱。
併將此日東風面，欲倩丹青為寫真。

送同知儋州事陳君汝堅進蘇州府通判致仕
歸應城

塵世勞勞宦海間
幾人垂老即投閒
新銜初換蘇州倅
好夢先歸楚澤山
海上棠陰畱治所
庭前荆樹重鄉關
冥鴻天外誰能慕
不似空林倦鳥還

礪菴少保初度日酒闌石齋少保詠水晶葡萄
為壽湖東少保有詩次韻冕亦繼作

水晶珠在玉盤堆
還憶春風手自栽
味比蓬山仙醴勝

根隨漢使節旄回延年何必求靈藥釀酒偏宜注壽杯
歲歲華筵酣醉後蔗漿茶飲可能陪

談往事

唾壺聲裏出商謳身在元龍百尺樓莫對青山談往事
且容華髮繫閒愁酒杯到手時能醉塵務撩人夢不休
鷗鷺有盟非一日煙波隨處著扁舟

病半月小愈偶書

筆床茶竈具輕舟擬向湘江晝夜浮大塊何心令我病

高人從古與天遊
夢思海上蓬萊島
興在湖南杜若州
三十八年塵土裏
風霜空敝黑貂裘

遣懷

不分竹下與松間
牧叟樵夫任往還
憂國淚邊空白鬢
登樓眼裏有青山
詩成伏枕聊乘興
酒對看花暫解顏
世事百年徒役役
那知物外有人閒

晨起二首

晨起科頭坐小齋
紛然寒雀噪空階
踈踈蒲柳霜先瘁

短短松篁雪半堆
信口謳吟聊趁韻
見人觴奕也開懷
衰年自覺精神減
何幸君王許賜骸

殘臘無多歲欲更
寒雲漠漠擁柴門
百年能得幾時好
兩月全無旬日晴
身似風前蓬半朽
眼如花外霧叢生
遠遊姑待春前後
且辦煙簑近郭行

自七里橋北至礮巖途間漫興

危橋北度日平西
恣意尋幽信馬蹄
蒼霧林邊山近遠
青松石上路高低
草鋪長繡煙橫板
秧出新針水滿畦

多謝有情雙野鳥飛來飛去向人啼

礧巖去吾郡城雖不遠顧平生未始一遊自去
年冬仲至今年春季未半歲間乃獲兩至其
地登覽之餘喜而得詩

厓當窈曲更通明似敞高軒數百楹玉黍掃空俄復積
石田拋久可曾耕蜿蜒神物何年化黯慘寒雲盡日橫
老去自憐無記性兩迴來往路還生

次韻遊湘山二首

寺背城闌客到稀白雲終日鎖禪扉
幾人冒雪尋僧話何處凌空有錫飛
西域路遙惟葬履南華歲久不傳衣
三生石上誰同坐說着無生忘却歸

來遊我尚記孩提塔頂分明鵲雀棲
法自黃梅傳嶺外人從郴水住湘西
九天月照千江白一樹花開五葉齊
多少古碑遭劫火姓名何用壁間題

次祝大參別韻

窮鄉一日幾陰晴嵐氣何妨暫濕纓
迎客好山如揖讓

向人幽鳥自和鳴
夢懸魏闕無時忘
心似湘江徹底清
垂老相逢俄又別
祖筵瞻望不勝情

春郊雜興

自諳麋鹿性甘隱
水雲鄉陶令五株柳
葛公千樹桑
雨慳催灌藥風煖看移秧
耕罷簑方曬
菊來酒試嘗
沙晴鷗卧穩
泥滑燕飛忙
社散人歸晚
前村已夕陽

夜坐

羣動息已久蕭然忘世紛
半窓秋色老幾度瑞煙芬

弄霸人操書翻古篆文
旅懷燕市月鄉夢楚江雲
衣薄驚寒早燈殘夜過分
一聲南去雁此際最先聞

郊行

郊行逢故舊邀我到柴關
緩踏溪邊路同登雨後山
竹泉煙冉冉稻壠水潺潺
沙鷺飛仍下園蜂去復還
草間黃犢健天際白雲閒
林壑誰高卧清風不可攀

長門怨

稜稜霜滿天皎皎白如練
纔聞歌吹聲又過昭陽殿

春江曲

春江風浪生細雨多芳草夢隨歸雁飛片時千里道

蒲石

著石根雖淺東風吹便青卷簾新雨過春色滿階庭

湖山秋曉

翠岫曉雲橫湖光一鏡明林間有紅葉萬壑總秋聲

題畫桃桃邊有竹數竿又有鳥集于桃上

東風庭院夕陽斜靜對疎簾玩物華忽見天桃笑相向

始知春色到寒家

淵明對菊圖

司馬江山已屬劉區區五斗肯淹留莫嗔貧到瓶無粟
尚有黃花對酒甌

畫馬二首

千金駿骨本空羣一入天閑更絕塵元狩樂歌今不作
松陰空老渥洼身

來如奔電去如風百萬驚駘一洗空誰遣時清烽燧熄

朝朝羈束柳陰中

村田圖雜詠

茅舍新蠶作繭遲
隣家桑柘盡空枝
持筐欲向街頭賣
更恐豪門索舊絲

村田景

圉豕登盤酒滿壺
高臺紅燭瑞煙敷
里巫唱罷攔門曲
新婦升堂拜舅姑

畫雙蝶趁朱櫻花
有鳥鳴于花上

紅櫻桃下整烏雲
春色枝頭有幾分
欲寫芳情寄雙蝶
數聲禽語隔花聞

題畫

溪山無處不春風
遠近樓臺紫翠中
遊客自來還自去
落花偏襯馬蹄紅

元夕應制二首

蓬山矗矗枕仙鰲
五色雲中紫極高
明月似能知聖意
清光偏照赭黃袍

輦路塵生香不斷燈樓月映彩初圓太平時節風光好
煙火今年勝去年

村市

濛濛細雨濕荷花宿賈來遲不飲茶細袖頻翻雲髻亂
尊前一曲是琵琶

旗亭

旗亭路繞綠楊邊酒熟長招賈客船日晚登樓望江上
帆檣次第到門前

暑中偶過僧舍後土山納涼

積土山頭偶一過
薰風生處綠陰多
塵中忽見湘南景
欲解朝衣掛薜蘿

出城西送客漫題

曉出西城又向西
人家盡處有招提
綠陰不隔紅塵路
時見行人駐馬蹄

送唐楷還灌陽

蒸衡江上憶聯舟
多少風濤入壯遊
直到新河始分手

幾宵清話浣離憂

遊山寺

病餘長與俗多違
策杖頻來扣竹扉
行過空林僧不見
庭前惟有白雲飛

次邃菴先生待隱園詩韻

古槐陰下坐移時
天外涼生一葉知
誰遣林塘有絲竹
殘蟬剛抱最高枝

齋夜漫吟

去年精力減前年情到今年倍颯然人世能為幾時客
篝燈猶自理遺編

齋夜枕上漫吟

寒戀衾裯夢未成呼童推戶看陰晴一庭風露清如洗
月過松梢夜四更

送太學生陳尊卿還湘中二首

湘羅碧繞二妃祠雙塚峩峩傍水渚姻舊平生情不淺
何時為草麗牲碑

庭外秋風一夜生因君歸去不勝情故園松菊猶存否
鴻雁來時好寄聲

漫興

玉堂天上近台垣未報涓埃愧聖恩待許衣冠掛神武
湘南歸老水雲村

過安山懷司空宋公

河自安山一派通百年疏濬宋司空當時簔笠尋源處
猶在村翁指顧中

偶感

萬里關山路渺茫
年年佳節在他鄉
催成兩鬢如霜雪
半是晨風半夕陽

竹石

寧湏種種譜宣和
一片春雲亦自多
誰遣此君相伴住
翻枝常入楚人歌

漫吟

夢醒書齋月欲斜
曹騰病眼半昏花
長安第一樓頭客

獨向西風苦憶家

蘆雁

紫塞先秋已有霜
暫來棲息水雲鄉
北歸只待春前後
可是區區戀稻梁

石倉歷代詩選卷四百三十二

欽定四庫全書

石倉歷代詩選卷四百三十三

明 曹學佺 編

明詩次集卷六十七

鄒智

送客南征

疎雨不復月蟋蟀空自鳴出門送佳客正值新月晴月
晴已足嘉况復驚波平君知愛月意莫惜清宵征

槐陰午坐

溽暑渾如蒸槐陰殊可愛招邀館中英趺坐一解帶蟻
戰疑有屯鳥度知無礙煩襟聊爾清吏胥趣晚會

九日寫懷

五章

秋風策策鳴秋水盈盈隔抱膝坐虛齋有懷長自結

解一

昨日楚人來前日巴人到入門問蒼生蒼生日凋耗

解二

剪爪宜及膚割髮宜及體食肉者何人視之如逆旅

解三

茱萸賜朝士一士分一枝君恩豈不濃民瘼誰當醫

解四

東隣有醇酒可以澆清愁蒼生倚大臣不必書生憂

解五

送吳獻臣令順德

熠燿非自然蝙蝠非自沸盈盈天地間孰非奇文字君
侯人中英經綸有高致欲分四海憂當自一邑試

送人作縣丞

作縣如作室作官如作工斧者奔而西鋸者趨而東執
事雖不齊所期在成功君本蜀中彥素以才自雄我觀
吞吐間絕非吳下蒙今承梓人旨百里生斤風有玉正

當錯有刀正當礮勿論地煩簡勿計位卑崇但令間架立也足為帡幪

晴郊觀麥

天街小雨連三日坐聽一鳩鳴午寂暖風忽放青山紅
滿眼春光濃欲滴呼童羈我槽下騶散出晴郊破愁的
郊東行盡復郊西鑪錘仰見乾坤力大麥芄芄碧浪翻
小麥離離翠雲幕今年定合成豐年不須更簡金穰歷
憶昔關中惡飈起赤血橫流幾千里草根木葉饑莫充

壯者流移羸者死翦爪割髮雖殷勤終是車薪點杯水
恭惟帝德同天德一氣薰蒸釀年麥黃重白叟生意饒
笑舞笑歌遊化國小臣坐頌歌太平憂深慮遠歌難成
人之應天曰五事天之示人曰五行憂勤或以咎徵起
逸樂或以休徵生君不見漢家文帝之世多災異武帝
之世多祥禎

清江捕魚圖

江水生江月起青簾白舫江風駛江頭老翁披短簑獨

泛江心羨魚美大張一網羅羣魚羣魚湧出清江裏勇
者傷於鉤貪者傷於餌起者如浮瓜落者如沈李入者
困而怒出者躍而喜大者三尺五尺長小者七寸八寸
止老翁一縱仍一擒網大魚多莫能紀須臾捲盡千頃
波勢及馮夷也披靡我聞董生嘗有言羨治羨魚同一
理

題資軒卷

貢資章流益長奎資壁光益密人資人學益深資軒居

士知此意盡日凝香延客至

送劉汝德還蜀

兩地八十里忍看生別離
寢知憂道切不是愛山痴
晚雨雖微急晨光本自熹
明年二三月正是望君時

上林春色

今年春色麗最是上林明
暖日崇桃映疎星
積李橫碧雞臨水舞黃鳥
逐人鳴隨處能粧點
東風不世情

題松泉卷

嶺樹重重合江流曲曲深
亂雲時出沒寒月夜浮沈
飛鳥爭深港游魚渡密林
黑龍渾不起時復抱珠吟

太液池觀蓮

鳳輦初臨太液池
池中君子肅朝儀
清香冉冉風舒卷
疎影沈沈月正歌
抱負胸中應有寶
經綸天下豈無絲
太平更得君王寵
萬種繁華總不知

新燕

白玉堂開日正遲
瞥然驚覩燕雙飛
荼蘼架遠和煙度

玳瑁梁高戴月歸小掠芹泥猶怯冷初沾杏雨未生肥十
言萬語無人會只付東風主是非

和賞菊韻

寫盡寒煙與敗膠愛花寧厭賞花勞酒兵入陣霜初破
執匠登壇月正高絕俗自宜蓮並價策勲當與杞同曹
故知逸興真難盡更約明年共和陶

金井山居次韻

鐵杖何年入此山今人居是古人菴春風小圃修花史

落日疎林縱手談放鶴亭高塵網斷聽鶯橋近野情酣
莫辭老背尋常炙寒露侵陵恐未堪

非所寫懷

朝野方傳英主事安危寧係小臣身
銀山鐵壁雖難動玉色金聲本易親
人到白頭終有盡事垂青史定誰真
夢中不識身羈繫又逐東風入紫宸

辭朝

雲韶聲靜拜彤墀轉覺嬋媛不自持
罪大故應誅兩觀

網疎猶得竄三危
盡披肝膽知何日
望見衣裳只此時
但願太平無一事
孤臣萬死更何悲

留別王守禦

月朗風清水手多
孤舟不發復如何
邊無急報將軍醉
嶺有微霜吏目過
蒼苔豈能誣馬援
荔枝久矣待東坡
人生去住真如夢
對酒惟應發浩歌

巡海呈周文郁

逢一疎林酒一行
侍兒親倚櫂歌聲
昔聞海水如天遠

誰放山花似火明煙外孤帆風正駛苔中歌枕夢初成
細看斗笠非難製莫遣烏紗累此生

除夕

病客居窮海今年是兩年高堂當此夕相對又潛然

舟中漫行

淡煙疎雨夢初還自起推篷看遠山漁父不知天早晚
祇隨鷗鳥下前灣

和石齋先生見寄

山亭水閣此何春
瘦馬猶存踣鐵身
珍重東風休料峭
今年花比去年貧

夜泊馬寧呈胡用晦吳獻臣

遠臣不與近臣同
但愛花枝照眼紅
莫道夜深無酒賣
蛋家船在岸之東

其二

白舫青簾幾夜同
洞簫聲裏海雲紅
百年身世知何處
笑倚梅花月正東

蔡清

送黃邦瑞還廣

抱病日煢煢君今又遠行斯文諒有味分手能無情柳
色纔沾白稍頭已轉青百年真轉轂何者慰平生

第一山和胡太守

予登第一山自覺衆山小日起海門騰雲連邊樹杳物
情隨運遷元化無時了寸進猶未能懷哉愧不少

題盛用陽師省卷

我覽師省字惕然中不寧悠悠老將至省身愧未能惟
今有盛氏乃能上師曾師曾固非難師曾亦豈易省身
勿泥三隨地安著已柔者思不隨剛者思不厲操術必
求精一息不容已此心貫萬端疑即當時唯人品夫何
常希曾亦曾矣

題雲谷室

山矗矗水簇簇白雲一片卧空谷卧空谷兮渾無心乘
風起兮應為霖

題商山四皓圖

鄒魯儒生落秦火諸公正在山中卧咸陽宮殿三月紅
諸公洞裏自春風馬上英雄饒善罵罵聲不到商山下
獨憐帝子意來虔一至漢廷力回天君不見李斯韓彭
皆殂醢秦皇漢帝亦安在當年商山四老翁至今人間
想丰采

畫圖景

崇山巍巍矗天起根盤不知幾千里萬木羣然山之巔

大者明堂棟堪擬遠山其勢浸微茫雙峰直豎青雲裏
丈人結廬擅山光閒來攜杖何徜徉翹然矯首青雲外
意欲乘風至帝旁

別鄒汝愚謫雷州吏目

慷慨出門去默與千秋期飽喫惠州飯少和淵明詩

哀汝愚二首

天地元無情汝愚信死矣舉世嗤笑之吾獨不如爾
年少心更赤竟以死遐荒英魂飄何許願返托班行

題鄭驛丞高岡九老圖

擾擾塵途二十秋，歸心今已托東流。
披圖喜見林間叟，極目雲山興不收。

陳琛

春晴對酒簡王閒齋

平生負戰藝，自擬無遺鏃。
不俟由數奇，利穎徒為禿。
采芳入儒林，歲晚逞幽獨。
戎冠談唐虞，發我十年讀。
春風與時雨，英俊任薰沐。
逍遙吏隱無，清寧天與福。
何日訪

子真惠陽見鄭谷

樗庭為同年丁敬夫先翁賦

江水西來深復深老翁江上看浮沈也知渴飲止滿腹
時取津津澆杏林人將杏花比仙島花實長春雨露好
翁言吾庭更有樗百年欲與吾俱老萬丈絲綸收釣竿
倚樗長嘯搖金山庭中步影蒼苔滑感慨人間行路難
路難祇應樗下息忽見新槐長百尺車蓋亭亭蔭道旁
樹木真為人愛惜世人疑天感應迂鑽核能留杏一株

槐陰寫入樗庭卷始信陰功果有無

燕歌卷為祝秀才題

憶昔少年膽氣麤羞為弱女具睂張拳直欲撓猛虎
開眼何曾見俗夫年來英氣消磨盡事不能平唯有忍
時逢徭徭肆撞突和顏溫詞謝不敏男兒胸中富甲兵
善藏其用用斯精動在九天藏九地機緘誰會測沈冥
素冠白衣易水上周身先已失屏障好勇由来笑匹夫
北風蕭蕭空悲壯越人來燕作燕歌慷慨激烈恨何多

有疾未必非君福，美玉正應山石磨。與君美酒博君笑，
丁寧莫學我年少。燕歌為我轉和平，高筇從此生清妙。

春晴對酒簡王閒齋

積雨傷春半，忽晴欣日遲。江山皆景色，花草自天時。獨
飲吾難醉，有懷君未知。何時同舊榻，清語破前疑。

送吳司訓擢羅城教諭

對花呼酒數留客，索詩頻談笑真驚。座風流迥出塵車，
圓何擇地春好總宜人。聞說羅城柳年來亦轉新。

金陵別諸朋舊往淮安至江上有所思

黯黯一年別迢迢千里行
論交期晚節顧我自多情
涉世防深阱看山憶舊盟
誰為元德秀眉宇向人情

其二

百年將欲半一藝不能長
進德慙多病觀書苦健忘
情真時忤俗意豁轉成狂
蘧瑗吾師也知非且自強

丁亥元旦試筆

豔豔燈花發霏霏江雨勻
柳從梅作色人與物俱春
拜

起勤雙膝歡呼動四隣酒盃三百後靜坐養吾真

送劉司訓遷合江掌教且便道還萬安

秋聲入井梧涼氣生高竹欲別此先生稍煩我心曲
光風久在閩化雨將行蜀歸去近重陽清樽還對菊

贈高抑齋太守

松柏挺潤幽果有二十尺古貌閱歲年何曾改今昔道
遙陶隱居杖履散蹤跡聞風愛厥聲不說堪柱石

其二

人生在世間談笑無百年百年亦瞬息生理忽茫然惟有桐鄉愛廟食自綿綿天地同悠久詎肯稱神仙

其三

翬飛甚峻整上界真人居其奈為官府案牘日紛如終日勤視聽耳目不能虛何如作散仙杖履自徐徐

其四

鳳陽中都地山水秀而平赤氣光騰後猶能生俊英五馬亦高貴一笑澹無榮乃知天下士但欲乞身輕

其五

東溪通黃河萬里自天上飲流尋其源月掬光在掌九
曲來棹歌靜夜得清響光霽正無邊勞我馳夢想

甲戌下第三月二十四日出張家灣

聞說春歸已有期可人春色亦應稀客思遠道催行急
舟遠長灣故去遲江上一樽忘獨老天涯何處覓相知
懷中多少平生夢說向癡人恐未宜

下邳晚泊

遠嶂依依起夕氛長河滾滾自天渾
圯邊取履憐孺子天下英雄識使君
千載功名惟故蹟幾人夢想不浮雲
月中光景應無限清借人間知幾分

次韻題小丹丘

白雲縹渺四時留青壁迴環儘自幽
露竹珠涵滄海月風松波撼洞庭秋
窩中已足逍遙樂頂上還堪汗漫遊
待看羽翰生白日人間始信有丹丘

晚步玉河橋有懷

芳草萋萋萬里同，遠遊誰敢恨東風。
得官更覺貧中味，經事方知靜處功。
城外好山來紫翠，河邊細水入玲瓏。
美人胸次無沾染，顏色猶應似舊紅。

寓金臺遣懷

銷除舊恨出新篇，轉覺情多不入禪。
望遠可堪雲隔水，思歸正有日如年。
生憎不飲花渾醉，偏愛無愁柳欲眠。
風雨也應知客意，曉來收拾作晴天。

送潘東崖助教

古道綦蕪今幾秋
飛花盡逐水東流
王門莫笑徒工瑟
野渡行看欲放舟
方寸地中收汗馬
五車書裏破金牛
平生我愛真豪傑
不數文章誰最優

茂松清泉圖為潘東崖賦

逍遙谷裏自容身
此老當年亦識真
白眼那堪常對客
青山終是不生塵
微風入樹琴清耳
積石明泉玉可人
都付東崖長作主
多應借我往來頻

送林君信巡按江西

劍鋒耿耿逼虹霓
高枕時聞半夜雞
騰踏忽驚空冀北
激揚先喜到江西
鵝湖水滿魚爭躍
鹿洞雲深路不迷
如此湖山閒一賞
就中更有上天梯

一峰亭為鄉同年方世元尊甫侍御作

松竹交青遠映空
梅花時見白重重
小車花外開三徑
高枕亭前見一峰
獨樂人應識司馬
上床我已厭元龍
登臨剩有平生屐
留與仙郎躡舊蹤

贈蔣悟非

秋發鱸蓴野色開故人江上賦歸來覺非正喜今朝是
忤俗休生舊日猜到處煙波橫釣艇有時風月上瑤臺
人生如此須知足管甚經綸屈大才

庚辰季夏南都即事

誰將大有卜今年春種初苗早可憐受暑苦焚唯問馬
從公弗息幾歸田流離有態堪圖畫慟哭無聲到管絃
萬頃煙波舟一葉何人正在白鷗邊

立春後到淮安夜坐書懷

欲借春風一解顏
春來正在舳艫間
嚴持酒戒偏能飯
稍放書程亦自閒
心裏有天堪白日
眼中何地不青山
千週未了參同契
一炷清香坐夜闌

題雲深處小景

是處山深雲更深
憑誰說與總無心
全因俗客都迷路
時為蒼生欲作霖
靜映方塘惟旱畝
高臨絕壁亦千尋
優游更逐南溪水
流向人間覓賞音

寓金陵感秋

俯仰周旋強作顏將心能得幾時安讀書盡說居官易
得路方知涉世難三徑西風黃菊瘦一天秋水白鷗寒
易圖元有真消息妬復中間子細看

乙酉元日病中試筆寄田南山王一臞

昨夜東風入敝廬曉來門外見新符山茶映水回春色
樽酒招人起病夫破戒一斟將興發從渠三勸覓愁無
意中我了南山老應有盃盤對老癯

元夕僧房獨坐

輕風入樹晚蕭蕭僧院松關坐寂寥
野外無人堪笑語
靜中隨地足逍遙殘編漫對皆燈火
清韻微吟當管簫
此是元宵真樂事樓臺爭得羨岩堯

喜雨錄呈謝松澗分守

年來學稼事西疇四體徒勤亦半收
誰謂乾封係天意
吾將辟穀與仙遊春風滿袖來天使
甘雨隨車喜澤流
分付家僮多種秫陶翁行醉菊花秋

平寇二首為聶分巡賦

許多英偉說前籌遙望前鋒氣即收可是赤眉真有力
祇因白面自深憂何人發憤身皆膽一道淒清月滿秋
百萬農夫喧笑口誰家雞犬不蒙庥

其二

法司兵法信如何曾拜當年馬伏波銅柱嵯峨凌石塔
瘴江明淨出煙蘿歸田老叟無稱頌入樹秋聲當凱歌
我在滄洲聞信息也攜樽酒舞漁蓑

題筍江清泛圖

五月清溪已得秋
小舟蕩漾在中流
莊生久解濠梁意
何處江山不自由

思過亭

林野生來失佩韋
回頭四十九年非
故鄉寸地堪思想
莫戀并州不肯歸

蘭畹

獨清獨醒思幽幽
中夜無為獨遠遊
盡道屈平遠不死
至今蘭畹在湘流

與高太守索歷日

詩書筆硯帶煙霞寂寞牋扉自一家
要看好春無歷日漫將消息問梅花

贈二守李春江

彭蠡春深不可涯小姑江上立崔嵬
東西買客傾囊出祇見漁船載雪歸

次韻朱教諭題邑庠講堂

掃地焚香澹得清眼中何物勝明經
劉郎到此應為主

莫遣苔荒百畝庭

其二

坐穩蒲團想太清
先天畫外得全經
四時長覺春無恙
誰訝秋深草滿庭

其三

芙蓉擎露出輕清
不用研朱碎點經
最笑仙人知我淺
時來教取讀黃庭

與郭長洲年兄

清淮去歲憶同舟
楓落吳江又一秋
莫怪道人情亦冷
曾隨孤月到長洲

石倉歷代詩選卷四百三十三